

Prinzeßin! zu Pommern



am
Fol
2463

1. Lutheri / Mart. / Zuerig
ywedigen by / fünf
Joh. von Anhalt / Sofus
Kunigs 1540.

Vg. 2439 GK

2. eiusdem ywedigt Dap
mann die Kinder zu
Huffe falten solle,
Wittemb. 1541

am 18.
3. Stüttel / Casp. / Sermer
am 18. der yüttel andr
zu / sub Oben, Wittemb.
1541





Ein Sermon
D. Caspar Büttel
 Auf dem Gottesacker
 zu Eisleben
 gethan.

Mit einer Vorrede D.
 Mart. Luth.

Wittenberg
 M D XLI.



Faint, illegible text, possibly bleed-through from the reverse side of the page. The text is arranged in several lines and appears to be a title or a list of entries.



Dem Erwürdigen
Herrn Johan Bugenhagen/
Doctor vnd Pfarrer/ Zu
Wittemberg.



Gnade vnd friede in Christo.
Ich bitte freundlich / mein lies
ber herr vnd freund / Weil ich
die zeit nicht habe das Büchlin
meines lieben Herrn vnd Freund
des Doctor Caspar Güttels zu
Eisleben Pfarrhers vnd Super
attendenten mit müssen zu lesen (denn ich plötz
lich drein gefallen durch andere geschafft ver
hindert) Ir wollets für euch nemen / vnd wo
der gute man / mich lobet / meinen namen aus
tilgen. Ich weis wol / wie hertzlich gut ers meis
net. Aber jr wisset / wie feindselig mein name
dem Teuffel vnd seinen Papisten ist / sonderlich
wo man mich lobet / das dadurch das lesen
oder doch ja die frucht / des lesens zu nichte
wird / Weil auch wol bey vielen / die der vns
fern sein wollen / mein name stincket. Doch jr
werdets wol machen / on meine sorge.

Er schreibt als ich auch aus seinen Brie
fen mercke / wider die Expectanten / das ist /
A ij die auff's

die auff's Concilium harren / Es mügen weise
vernünfftige Leute sein / die also harren / vnd ire
seligkeit setzen auff Menschliche satzung. Aber
sie erfüllen das Sprichwort / Ein weiser man
thut keine kleine thorheit / Oder müssen gar vnd
gantz in Christlichem glauben vnwissend vnd
vnerfahren sein / als die nicht richten können / wie
gar weit Gottes wort vnd Menschen wort un-
terscheiden sind. Wiewolich den selben solchs
möcht zu gut halten / Weil bis daher die Welt
durch den Papsst bethöret / hatt müssen gleu-
ben / das der Concilien satzung / eben so viel /
als Gottes / vnd mehr denn Gottes wort gelte.
Welchs doch itzt bey vns auch die Gense vnd
Enten / Meuse vnd Leuse (Gott lob) nicht gleu-
ben würden / wo sie etwas gleuben köndten.
Aber / wer nichts höret / der lernet nichts / wer
nicht hören kan oder nicht wil hören / der kan
oder wil nichts lernen noch wissen. Solche Ex-
pectanten befelhen wir Gotte.

Aber daneben ist ein ander hauffen Expec-
tanten / die es hören vnd lesen / Wöllens auch hö-
ren vnd lesen / alles was das Euangelium leret.
Wissen was die warheit ist / Bekennen auch /
Es sey die warheit / vnd stehe im Euangelio /
Vnd doch fergeben / sie wollen des Concilij
vnd der Kirchen vrteil gewarten / vnd in des
die erkandte warheit des Euangelij verfolgen
vnd dempffen. Wie der einer / vnd der furnem-
sten einer

sten einer / Hertzog George zu Sachssen (das
ich ein gewis Exempel gebe) vnseliger gedecht
nis / geweest ist / mit seinem anhang. Wem wol
len oder sollen wir solche Expectanten befels
hen? Gott wil vnd mag jr nicht / Denn er wil
sein Euangelium vber alle Engel / schweige /
vber die Menschen oder Concilia gehalten ha
ben / vnd gestehet darüber niemand keines har
rens oder Expectantien / Ich acht wol / wir mü
ssen sie dem Teuffel in abgrund der hellen be
selhen / vnd sie lassen harren vnd Expectanten
bleiben / Wie die Jüden auch harren vnd Ex
pectanten sind / auff jren Messiam / den sie zu
vor / aus neid vnd has / wider öffentliche vnd
erkandte warheit creutzigten. Ja las sie har
ren / Es geschieht jnen recht / das sie harren /
Was sind sie bessers werd / denn das sie vmb
sonst der Lügen ewiglich harren / die nicht wol
ten die Warheit gegenwertig offenbart an
men?

Also lassen wir diese Expectanten auch
eins Concilien harren / welches nu mehr der
Papist nicht geben wird / oder auch nicht kan /
wie er sich öffentlich vernemen lesst / Vnd sie
gleich wol in des die gegenwertige Warheit
creutzigen vnd verfolgen / damit zu erlangen
den schönen Titel / Christliche Kirche / Christli
che Fürsten / Christliche Leute die auff's Cons
cilium harren / vnd Gotte sein wort verfluchen /
Solche titel las sie führen. Aber hüte du dich /

A iij das du

Das du sie nicht auch also lobest/damit du nicht
irrer iund teilhaftig/vnd mit jnen des hellis
schen feurs Expectant werdest. Denn da ste
het das schreckliche / gewolliche Exempel
fur vnsern augen / wie Gott den Christlichen
Fürsten/ja den elenden verdampften Menschen
Dertzog Georgen/ausgerottet / vertilget / zu
nicht gemacht/in abgrund der Hellen verstor
ffen hat. *wil er nicht an Papsttum als an Christum geglaubt.*

Solchen Expectanten sol solch Concilio
um werden/Denn so wollen sie es haben. Es
heißt wie S. Paulus saget 2. Corint. 6. Ich bit
te euch lieben Brüder/das jr die gnade Gottes
nicht vergeblich annemet/Denn er spricht/Ich
hab dich zur angenehmen zeit erhöret.

Vnd Christus Matthei. 10. Welche stad
oder haus ewr wort nicht auffnimpt/da gehet
heraus/vnd schüttelt auch den staub von ewrn
schuen vber sie. Ich sage euch / Es wird So
doma vnd Gomorra treglicher ergehen an j
nem tage &c. Diese waren keine Expectan
ten/als die es nicht wusten/das es die warheit
were/sondern hieltens fur irthum vnd ketzerey.
Wo wollen nu bleiben die Expectanten/die da
wissen vnd bekennen/ Es sey die warheit vnd
doch zum deckel vnd schmuck/ jrs verstockten
muntwillen vnd boshaftigen blutdürstigem fre
uel furwenden/ Sie wollen des Concilij oder
Kirchen vrteil harren. *Die las jmer hin haren
ren vnd*

ren vnd Expectanten bleiben/wie sie verdienen
vnd werd sind / vnd zu mehrer verdammis vnd
grosser heuffung des zorns/las sie sich Christa
liche Fürsten vnternander schelten / das ist/
Gott im Dimel getrost lestern / vnd zwingen/
das er müsse mit dem Jüngstentage er
len. Amen / Amen / mein lieber
Herr Ihesu Christe Come
doch/vnd Come balde/
AMEN.

D. Martinus Luther.

Der Liebe Heilige

Propbet / Jesaja am LV.

Cap. Gibt allen Gottse-

ligen vnd Christgleubigen

menschen / einen trewen

en Rat / da er also

spricht.



Suchet den **HERREN** /
weil er zu finden ist / Rufft in
an / weil er nahe ist. Der Gott-
lose lasse von seinem wege / vnd
der Vbeltheter seine gedanck-
en vnd bekere sich zum **HE-
REN** / So wird er sich sein erbarmen / vnd zu
vnserm Gotte / Denn bey ihm ist viel verge-
bung. Denn meine gedancken sind nicht ewre
gedancken / vnd ewre wege / sind nicht meine
wege / spricht der **HEXX**. Sondern so viel
der Himmel höher ist denn die Erde / so sind
auch meine wege höher denn ewre wege / vnd
meine gedancken / denn ewre gedancken.

In solche



A solche nützliche vnd
heilsame vermanung des Prophe
ten / kan sich menschliche Ver
nunfft gar nicht schicken / Denn
sie sibet nicht auff das geistlich
vnd ewige Gut / das vns Gott
durch sein wort lessit anbieten / son
dern allein auff das / so zeitlich vnd vergeng
lich ist. So schüret der Satan auch zu / hindert
wie vnd wo er kan mit seinen giftigen feurigen
Pfeilen / das wir solche trewliche vermanung
nicht zu hertzen fassen. Darumb ermanet vns
auch S. Paulus an die Ephe. am 6. Cap. vnd
spricht / Das wir nicht allein haben zu kempff
en mit fleisch vnd blut / sondern mit Fürsten vnd
Gewaltigen / mit den Weltregenten der Fin
sternis / in dieser Welt / mit den Geistern der
bosheit / vnter dem Dimel. Vmb des willen
(spricht er weiter) so ergreiffet den harnisch
Gottes / Auff das jr künd widerstehen an dem
bösen tage / vnd in allen dingen gerüst sein.

Wenn man so sicher vnd lessig hin gehet /
Gottes wort mit ernst vnd vleis nicht höret /
vnd vberfelleet denn vnuersehens der Teuffel
den Menschen / sichtet in an / So finden sich
denn in solchem streit / vnd bleiben gewislich ni
cht aussen die harten püffe vnd engstliche mord
stöße / das einem Menschen sein hertz für eng
sten / bre

sten blechen vnd schmelzen / auch gleich aus
dem Leib faren wil / wenn der Teuffel kömpt
vnd sagt / Gott kennet dein nicht / Du hast jm zu
offt zugesagt (wenn er dir die Sunde vergebe /
aus dieser vnd jener not hülffe) so woltestu ni-
mermehr sündigen / vnd hast das geringst nicht
gehalten. Wie oft bistu Meineidig vnd trew-
los worden? Meinstu Gott sitze alda vnd wol-
le dir allzeit deiner lügen auswarten? Zu viel
ist vngesund / ein mal gehet hin / zweimal ist
auch zu viel. Aber drey mal tang doch gar ni-
chts / Du bist ja mit Lügen zu oft widerkomen.
In solchem hefftigen vnd schrecklichem streit /
ist denn wol von nöten / das man des heiligen
Prophetens trewe vermanung nicht vergesse /
da der **HEXX** selbs spricht.

Meine gedanken sind nicht ewre ge-
danken / Vnd ewre wege / sind nicht meine
wege / spricht der **HEXX**. Sondern so viel
der Himmel höher ist denn die Erde / so sind
auch meine wege höher / denn ewre wege / vnd
meine gedanken / denn ewre gedanken.

Vnd das man als denn zu gedanken brin-
ge ander mehr Trostsprüche der Propheten /
Als Ezech. am 33. So war als ich lebe / spricht
der **HEXX** / Ich habe kein gefallen am tode
des Gottlosen / Sondern das sich der Gottlose
betere /

bessere / von seinem bösen wesen / vnd lebe. So
beteret euch doch nu / von ewrem bösen wesen.
Warumb wolt jr sterben / Ir vom Haus Isra
el.

Der gleichen Trostsprüche sind sehr viel in
S. Paulo / damit er betrübtte hertzen tröstet / Als
I. Timoth. I. da er spricht. Denn das ist je gewis
lich war / vnd ein tewr werdes wort / Das Chri
stus Ihesus komen ist in die welt / die Sunder
selig zu machen / Vnter welchen ich der furne
meste bin.

Auch wissen wir / wie vnser einiger Lerer Chri
stus / selbst den Schriftgelerten vnd Phari
seern geantwortet hat / da sie murreten wider
jn vnd sprachen (wie S. Lucas schreibt am
15. Cap.) Dieser nimpt die Sünder auff / vnd
isset mit jnen / Mit eingefürtem Gleichnis von
dem verloren Schaff / vnd widerfunden Schaf
fe / sprechende / Ich sage euch / Also wird auch
freude sein im Himel / vber einen Sünder der
Busse thut / fur neun vnd neunzig Gerechten /
die der Busse nicht bedürffen.

Aber viel Menschen begeren von Gott mit
ernst eines langen Lebens / auff das sie sich
möchten deste besser schicken vnd bereiten
zum sterben / vnd also einen gnedigen Gott fin
den / vnd sprechen. **D** **H** **E** **R** **E** **G** **o** **t** **t** **f** **r** **i** **s** **t**
mich armen Menschen forder zu leben / das ich

D **u** **m** **e** **i** **n** **e**

meine sünde mag büßen/vnd deine gnade vnd
barmhertzigkeit erwerben oder erlangen.

Das ist aber strefflich vnd vnrecht gebe-
ten/Als funde es bey vnser zeit vnd verdienst/
einen gnedigen Gott zu erlangen. Büßen hei-
ßen sie/ gnugthun für die Sünde/durch mens-
schlich gerechtigkeit vnd werck/Dadurch meis-
nen sie Gottes zorn zu stillen/vnd also den Him-
mel zu verdienen. Das doch Gottslesterisch
vnd misbietlich ist/Denn er vns den Himmel
verdient vnd aus lauter gnaden anbeut/Dar-
umb spricht er durch den Propheten Jesaia/
Suchet den **HERN** weil er zu finden ist.

Denn solche nerrische bitte (so man im
Bapstum auff allen Predigstülen gebraucht
hat) sein wol höfflich/hübsche wörtlin/Aber
gantz vnd gar wider das verdienst Christi Ihe-
su/vnsers Heilands/der hierin gros wird ges-
schmecht vnd gelestert. Werestu so gerne from
warumb thustu es nicht heute? Die weil from
werden/bedarff keiner langenzeit/vnd kan sich
keine bessere bereitung vnd schickligkeit zutra-
gen/from zu werden vnd Göttliche gnade ans-
treffen vnd finden/denn per exercitium fidei/
Das ist/durch vbung deines glaubens etc.

Kanstu nun glauben? das du ein armer vers-
dampter Sunder bist / vnd das vnser **HER**
Christus

Christus/warer Gottes Son sey/ der dir zu gute
Mensch worden/vnd durch sein leiden vnd ster-
ben das Himelreich/das vor von ewigkeit sein
war/ noch einst erworben/das du vnd alle
Christglaubige Menschen/durch solche sein
vnaussprechliche lieb/on alle deine verdienst zu
gnaden kamest/gerecht vnd selig würdest/vmb
des thewren vnmeslichen Schatzs willen/den
er fur deine sünde bezalt hat. So ist beschlos-
sen/vnd gewis im heiligen Euangelio pronun-
cirt/ verkündigt vnd öffentlich ausgeruffen/
Das du bereit an vergebung der sünden habst
vnd ein Kind der gnaden seiest.

Wie denn vnser D^{er} Christus seinen
lieben Jüngern befelch gibt. Als S. Matth.
am letzten schreibet. Mir ist gegeben alle gewalt
im Himel vnd Erden/Darumb gehet hin le-
ret alle Völcker vnd teuffet sie/ im Namen des
Vaters/vnd des Sons / vnd des heiligen
Geists. Der gleichen S. Marcus am 16. Ge-
het hin in alle Welt/vnd predigt das Euanges-
lium aller Creaturen/Wer da glaubet vnd ge-
taufft wird/der wird selig werden. Wer aber
nicht glaubet der wird verdampt werden.

Das wir aber solcher gerechtigkeit vnd
seligkeit ja gewis vnd wol versichert weren/ha-
ben wir zwo starcke vnwidersprechliche Zeng-
nis. Das erst ist genomen/ aus dem heiligen

B ij

Apostel

Apostel S. Paulo Philipp. 2. da schreibt vnd
spricht er also / Dieweil vnser **W**err Christus
vnser arme verechtliche vnd sundliche natur/
welche doch nicht anders/denn ein ewiger Wel
lebrand sein sol/vnd derhalb mit allem Reche
tetteverschmehen vnd ewig verdamnen köns
nen/so gros ehret/das ers annimpt/Vnd ob er
wol in Göttlicher gestalt war/doch es nicht fur
einen Raub hielt Gott gleich zu sein/ Sondern
eussert sich selbst, vnd nam die gestalt eines Kne
chtes an sich/ Ist worden gleich wie ein ander
mensch /vnd an geberden als ein mensch erfand
den. Ward also gehorsam bis zum tod/ja zum
tod am Creutz/Vnd thut solchs vmb der Sun
der willen / So sol ja keiner vmb seiner sünde
willen / sie seien so gros vnd viel als sie wollen/
verzweimeln zc.

Das er aber vnser natur angenommen/schreibet
der Apostel im .2. Cap. an die Ebre. da er
spricht/ Nach dem nu die Kinder fleisch vnd
blut haben/ist ers gleicher mas teilhaftig wor
den zc. Denn er nimpt nirgend die Engel an
sich /sondern den Samen Abrahe nimpt er an
sich. Daher must er aller ding seinen Brüdern
gleich werden/auff das er barmhertzig wür
de/vnd ein trewer Hoherpriester fur Gott / zu
versünen die sünde des Volcks/ Denn darinnen
Er gelidten hat/vnd versucht ist/ kan er helf
fen/denen/die versucht werden.

Da hörestu mit viel herrlichen lieblichen
worten/

worten / Das Christus die Göttliche Majestet /
vnsrer Brüder worden ist / welches allen Gottes
Engeln nicht widerfahren / Denn er nimpt nir-
gend die Engel an sich / spricht er / Sondern
den Samen Abrahe nimpt er an sich. Wer
kan diese grosse vnaussprechliche ehr vnd herr-
lichkeit / damit Christus der Herr vns so ziere
das er vnsrer / vnd nicht der Engel natur an-
nimpt / ausreden? Wiltu nu lieber Mensch / der
du erschrocken vnd blöde bist / fur sünde vnd
Tod / Gott suchen vnd finden / So höre was der
Apostel von Christo Gottes Son saget / vnd
verseume die zeit der gnaden nicht / Denn er ist
darumb Mensch worden / das er dir von sünde
vnd tod helffe / Ausserdem wird zu Gott dem
Vater kein Mensch nimmermehr komen.

Wie er denn selbs Johan. 14. spricht (Da
Philippus von jm begert / Er solle inen den Va-
ter zeigen) Philippe / Wer mich sihet / der sihet
den Vater. Wie sprichstu denn / Zeige vns
den Vater? Glaubstu nicht / das ich im Vater
vnd der Vater in mir ist. Dieweil vns denn vns-
ser getrewer Hirte selbs ruffet / locket vnd an-
schreiet / die wir zuvor alle / wie verlorne Schaz-
ffe / in der irre lieffen / wil vns auff seine Schul-
dern nemen vnd tragen / vnd widerumb zu
recht bringen. Ists je widerumb billich vnd
recht / das wir vns fur jm nicht verkriechen /
Sondern williglich vns von jm finden lassen /
vnd gerne jm folgen. Ja sage

Ja sagstu/Er ist mir zu weit/ Wie kome ich
denn zu jm? Hörestu/ Du darffest jm nicht
nach in den Himel gassen/ Oder in die Tieffe
hinab steigen/ Sondern glaube dem heiligen
Propheten David/ der da spricht im 145. Psal.
Der HERR ist nahe/ allen die in anrufen/ Al-
len die in mit ernst anrufen/ Das ist/ nicht in vn-
glauben vnd zweivel/ wie die Dencker thun/
sondern in starckem glauben vnd vertrauen/
auff seine Verheissung/ die er auch trewlich ges
halten vnd reichlich erfüllet hat in Christo.
Von welcher alle Propheten/ von Samuel an
vnd hernach/ wie viel jr gered/ verkündiget ha
ben. Wer nu den Namen des HERRN an
rufen wird/ sol selig werden.

Actorum 10.

Die hörestu/ welchs der weg darzu sey/
Gott zu suchen vnd finden/ nemlich des HERR
Namen anrufen/ Außer welchem Nas
men kein ander den Menschen gegeben ist/ das
sie dadurch solten selig werden. So denn nu der
Allmechtig/ Ewige/ Barmhertzige Gott Vater/
Schöpffer Himels vnd der Erden allein
sich wil finden hören vnd antreffen lassen in
Christo Ihesu vnserm HERRN/ Sollen wir
billich dem heiligen Propheten Jesaia gehors
chen vnd folgen/ da er spricht/ Suchet den
HERRN etc. Dieweil wir hören/ das diese
Göttliche Maiestet/ die da ewig selb selbst ist/
vnleidlich/ vnsterblich/ sich hat vmb vnser wil
len/ so tieff er vnter gelassen/ vns allein zu gut/
alle vnser

alle vnser gebrechlichkeit auff sich genomen / on
sunde sich in vnser fleisch getleidet / vnd also vn-
ser Bruder worden / **D** gnade vber gnade.

Aber fleisch vnd blut kan leider nicht fassen
vnd begreifen / Wer dieser Göttliche Artzt /
vnd seine himlische Ertzney sey. Wie wir aus
dem freundlichen Bespreche wol sehen / das er
mit seinen lieben Jüngern hatte / da er sie Mat.
16. fraget vnd spricht / Wer sagen die Leute /
das des Menschen Son sey. Aieten sie alle ver-
geblich / vnd sprachen / Etliche sagen / Du seiest
Johannes der Teuffer. Die andern / Du seiest
Elias. Etliche / du seiest Jeremias / Oder einer
aus den Propheten. Weiter sprach Er zu jnen /
Wer sagt denn jr / das ich sey ? Als wolt er
sprechen. Ob die andern alle irren vnd ni-
cht wissen wer ich sey / So solt doch jrs wis-
ssen &c. Da antwortet Simon Petrus vnd
sprach / Du bist Christus / des lebendigen Gots-
tes Son. Vnd der Herr Ihesus antwort vnd
sprach zu jm / Selig bistu Simon Jonas Son /
denn fleisch vnd blut hat dir das nicht offenba-
ret / Sondern mein Vater im Himel. Wer Chri-
stum so ansihet vnd bekennet / wie hie Petrus /
das er des lebendigen Gottes Son sey / der redet
aus dem heiligen Geist / vnd findet Gott ges-
wislich.

Derhalben sage ich abermals / Wir sind
vberschüttet mit reicher vnaussprechlicher
C Gnade.

Gnade. Denn wiewol wir arme trostlose verdampte Sünder gewesen / vnd noch sind / des Todes vnd ewiger Verdammnis schuldig / auch noch darin stecken. So sollen wir doch wissen / Das Christus vmb vnser jamers vnd elends willen / vnser Fleisch vnd Blut angenommen hat / vnd vnser Bruder worden sey. Diese Bruderschaft ist besser / stercker vnd gewaltiger / denn alle vnser sünde vnd missethat / ja auch der Tod / Delle vnd Teuffel selbst. So tieff sind wir nicht gefallen / so böß ist es nicht gemacht vnd verderbet / Diese Bruderschaft kan es alles zu recht bringen / vnd vnsern schaden reichlich erstatten / als die da ewig / vnendlich vnd vnansprechlich ist.

Können wir auch etwas dazu thun / das wir solche Bruderschaft zu eigen kriegen? Gar nichts. Wie komen wir denn dazu? Ich hab zum teil bereit droben gesagt / wil noch weiter danon sagen. Christus lesset vns durchs Euangelium predigen / das Er für vnser sünde gestorben vnd auferstanden sey / das wir eben den Schepffer Himels vnd der Erden / zum Vater vnd Gott sollen haben / den Christus zum Vater / vnd Gott hat. Wie er denn Maria Magdalene besilhet / da er spricht / Johan. 20. Gehe hin zu meinen Brüdern / vnd sage ihnen. Ich fare auff zu meinem Vater vnd zu ewrem Vater / zu meinem Gott vnd zu ewrem Gott.

Gott. Welchs nicht allein den Jüngern gesagt
vnd gepredigt ist/ Sondern allen Christgleubigen/
bis ans ende der Welt/ das sie der gnaden-
reichen seligen Bruderschaft auch solten teil-
hafftig sein.

Denn der liebe Stifter vnd Anrichter sol-
cher Bruderschaft/ wils nicht allein dabey las-
sen bleiben/ das die Historia (wie sie die Evan-
gelisten beschreiben) allein also sey geschehen
vnd ergangen/ Sondern teilet vnter vns aus/
macht ein gemengt Gut vnd Erbe daraus/
welches er durch seine menschwerdung/ leiden/
sterben/ Auferstehung vnd Himelfart/ erwor-
ben habe/ das er mit allem das er ist vnd hat/
gantz vnd gar vnser sey / vnd wir widerum
sein seien / Als die zu gleich einen Vater vn-
Gott haben / vnd sitzen in Göttlicher Gemein-
schaft vnd vngetheilten Gütern.

Sage aber nu selbst an / vnd zeige mir / Chri-
stlicher Bruder / wo mit haben solche Himli-
sche Bruderschaft die Jünger des Herrn
verdienenet / das er inen nach seinem leiden vnd
Auferstehung einen solchen herrlichen vnd
aller freundlichsten Grus lefft entbieten? Sie-
he an Petrum / als den furnemesten / der sich
vermessen hatte / mit dem Herrn in das Ge-
fengnis vnd den Tod zu gehen / wie der so grau-
lich / sich nicht allein an im ergert vnd von im
E ij abfelt/

abfellt / sondern auch schendlich verrenget / das
er sich selbst darüber verflucht vnd verdampt /
vnd wils damit erhalten / er habe diesen Men-
schen sein lebenslang nie erkand oder gesehen.

Wo bleibt der keck vnd hertzenhafftige
Thomas / der Zwilling / von dem Johan. 11. ge-
schrieben stehet / das er die andern Jüngern er-
manneret vnd spricht / Lasset vns mit im gehen /
das wir mit im sterben. Als wolt er sagen / Es
ist vns besser mit im zu sterben / denn on im le-
ben.

Ja wo bleiben die andern? Höre die Euan-
gelisten / vnd sonderlich S. Matth. cap. 26.
wird dir's sagen / Tunc Discipuli relicto eo om-
nes fugerunt. Das ist / Da verliessen in alle Jün-
ger vnd flohen.

Der liebe Herr aber leset sie solches nicht
ontgelten / Sondern ist eindechtig seiner eignen
Lere / Gutes für Böses zu geben. Vergisst auch
nicht der zusage Petro gethan. Luc. 22. da er
kurtz zuvor ehe Er gefangen ward / also zu im
redet / Simon / Simon / siehe / der Satanas
hat ewer begert / das er euch möcht sichten /
wie den Weitzen. Ich aber habe für dich ges-
beten / Das dein glaube nicht auffhöre &c.

Auch gedencet er seiner eingelegten Sup-
plication / wie Johan. 17. geschrieben stehet /
Vater / Ich bitte nicht allein für sie / Sondern
auch für

anch für alle/ so durch jr wort an mich glauben
werden.

Daraus sehen wir (so weiland Heiden ge
west vnd geborn sind) das solche Supplicatio
auch vns begreiffet/ das wir zu solcher herrlich
en Bruderschaft gehören/ das wir mit frölich
em hertzen/ gutem gewissen/ mit aller zuuersicht
in rechter warheit thüren wider das Gesetz/
Sünde/ Tod/ vnd Teuffel rhümen/ trotzen vnd
sprechen/ Ob ich gleich ein armer sundiger ver
dampter Mensch bin/ So habe ich doch einen
solchen Bruder/ on alle mein verdienst aus laus
ter gnaden/ zu eigen kriegt/ der aus angeborner
güte vnd erbarmung sich meiner hat angeno
men/ vnd ist mein Bruder worden / solch alle
meine Feinde geschlagen/ gefangen genomen/
mit füßen getretten vnd vberwunden. Wie
denn S. Paulus an die Ephe. 4. schreibt

D trost vber trost vnd vnaussprechliche
herrligkeit eines Christglaubigen menschen/ der
Gott zu einem Vater/ vnd seinen eingebornen
Son Christum Ihesum zu einem HErrn/ vnd
seinem freundlichen lieben Bruder hat/ Wel
chen man vns bisher / furgemalet vnd einges
bildet hat/ als were er nichts anders denn vn
ser strenger vnd zorniger Richter / der mit gu
ten Wercken vnd Furbit der Heiligen verjōnet
müße werden ꝛc.

Wider welche Gottslesterung des verflus
chten

C iij chten

chten Bapst/das er aus Christo/dem einigen
Heiland vnd Trost aller welt / in Gesetzge-
ber / schrecklicher denn Moses / gemacht
hat / Ist vns nütze vnd not diese Bruders-
schafft gründlich anzusehen. An welcher vnser
der Heiden Zwelffbot oder Apostel S. Paul.
ein sonderliche freude vnd frolockung hat / Wie
seine reiche sprüche wol anzeigen Gal. 3. da
er so spricht / Nun der glaube komen ist / seid
ir alle Gottes Kinder / Denn wie viel ir getanfft
sind / Die haben Christum angezogen. Denn
ir seid nu allzumakeiner in Christo Ihesu. Seid
ir aber Christi so seid ir ja Abrahams samen
vnd nach der verheissung Erben. Der gleich-
en schreibt er auch an die Rom. Cap. 8. vns zu
trost / vnd spricht also. Was wollen wir hie
zu sagen? Ist Gott fur vns / Wer mag wi-
der vns sein? Welcher auch seines eingebor-
nen Sons nicht hat verschonet / sondern hat im
fur vns alle dahin gegeben. Wie solt er vns mit
im nicht alles schencken. Wer wil die Anffer-
weleten Gottes beschuldigen? Gott ist hie/
der da rechtfertigt. Wer wil verdamnen?
Christus ist hie der gestorben ist / Ja viel mehr
der da aufferweckt ist / Welcher ist zu der rech-
ten Gottes / vnd vertritt vns.

Ja freundlicher lieber Bruder in Christo/
das ist auch die meinung vnd gründliche ur-
sach / warumb die lieben Apostel / S. Petrus
vnd Pau

vnd Paulus den Christen vielmals vor
wünschen vnd begeren das sie reich sou-
den / wachsen vnd zunemen in dem erkenn-
Christi Ihesu.

Daher flehet auch der schöne Spruch S.
Pauli. 1. Corinth. 1. beschrieben / Das vns Chris-
tus sey von Gott gemacht zur weisheit / zur ge-
rechtigkeit / vnd zur heiligung auch zur erlös-
sung. Derhalben / spricht er sich der Weise
nicht seiner weisheit rühmen noch der starcke
seiner stercke / Noch der Reiche seines Reich-
thums / Sondern wer sich rühmen wil / der rüh-
me sich des / Das er Mich wisse vnd Kenne /
Das ich / der DERR bin / der Barmhertzige-
keit / Recht vnd Gerechtigkeit vbet auff Erden.

Sollen wir aber solche liebliche Bruder-
schafft behalten / so müssen wir vns ans wort
halten / fest glauben / vnd jr in hoffnung erwar-
ten / durch gedult. Denn die Welt hellt vns als
lein nicht für Brüder vnd Witterben Christi /
sondern schilt vnd verdampft vns / als vngewor-
samer Glieder der Kirchen vnd Teuffels Kinder.
So fület sichs auch offft viel anders in vnsern
hertzen / das wir nicht anders gedencken / denn
Christus wolle vnser nicht. Drum sehen wir
itzt solche vnser herrligkeit durch einen Spie-
gel / im dunckeln wort / Denn aber von ange-
sicht zu angesicht. 1. Corinth. 13.

Aus dieser ursach hat vns der DERR Chri-
stus /

Manet wacker zu sein vnd wachen
1. Luce. 12. La ewre Lenden
et sein vnd ewre Liech t brenn
ch des Menschen/die w^{er} Errn
n / wenn er auffbrech d von der
chzeit / Auff das / wenn er mpt / vnd an
pffet / sie im bald aufstun. Vnd Matth.
25. In der Parabel von den zehen Jungfraw
en / deren funff Klug / die andern funff Narrin
waren. Vnd Johan. 12. Bleibt an das Liecht
dieweil irs habt / Denn kömpt die nacht / so ist
zu lang geharret.

So gehören nu in solche Bruderschaft
Christi / die nicht sicher schnarcken / sondern die
da wacker im glauben vnd emsig im gebet sind.
Die Törichten Jungfrawen hats nichts gehol
ffen / das sie anklopfften / vnd sprachen / **HERR**
HERR / mache vns auff / Sondern weil sie ni
cht öle in jren Lampen hatten / mussten sie hö
ren / Ich kenne ewr nicht. Darumb warnet
vnd ermanet vns der **HERR** trewlich vnd spri
cht / Wachet / denn ir wisset weder tag noch
stund / in welcher des menschen Son komet
wird

Aus diesem allem beweiset es sich nu selbs
klar vnd starck gnug / was der heilige Prophet
Jesaja mit oftmals vorgelegten worten has
ben wil / da er vns vermanet mit allem vleis /
Suchet den **HERRN** weil er zu finden ist /
Aufft in an / dieweil er nahe ist.

Das ander

Das ander starke vnwidersprechliche zeugnis vber die freudsame Bruderschaft/wie wir gehört haben/ Ist die gnadenreiche Speise vnd einsetzung des hochwürdigen Sacraments des leibs vnd Blutes vnser^{er} D^{er}ren Ihesu Christi.

Es solt so b^{illich} einem Christen menschen/wol bewust sein/das solch Sacrament/nicht von menschen ertichtet /noch erfunden ist/ Sondern von Christo/vnserm Hohenpriester selbst/aus Gottes seines himlischen Vaters willen vnd befeh/ gestift vnd auffgericht/Nicht für Wunde/ Schw/ Woltz oder steine/ sondern für vns Menschen/sonderlich für vns Christen Aus grosser hertzlicher grundloser liebe zu brauchen. | Wo nu ein Christlich hertz solchs bedenckt / Wie ist's möglich/das es nicht solt mit andacht bewegt werden/dasselbige vngewungen/on alle gebot vnd gesetze mit lust vnd liebe/offtmals zu süchen vnd begeren / Sonderlich mit hertzlicher freude vnd wonne die wort Christi des D^{er}ren/damit ers eingesetzt hat/zu betrachten /vnd daraus auch sein freundlich hertz vnd vnaussprechliche Liebe/die der liebe D^{er}ren gegen vns arme Sunder hat/abzunemen.

Wirds aber danon nicht bewegt/ So ist gewislich kein funcke / noch tropffen Christlicher gedanken in dem selbigen hertzen/Vnd ist on allen zweifel ein vnchristlichs Türckisch/
D Weidnisch

Weldnisch vnd Jüdisch hertz/ das da gewisslich nicht glaubt/ das dis Sacrament/ der gebe nederte Son Gottes vnser Hoherpriester in ewigkeit selbst eingesetzt hat/ vns zu gebrauch en. Viel weniger glaubt es/ Das der Herr Christus vns solchs aus grundloser Liebe ges ordnet habe / Denn wo der eins geglaubet wür de/ da kan ein hertz nicht so laß/ faul vnd vers echtlich sich dazu stellen.

Vnd ist wol abzunehmen warumb der Wi derwertige/ der Teuffel/ ein zeitlang diese zwey Hochwürdige vnd heilsame Sacrament / der Tauff vnd des Altars/ daraus wir alle Brüder vnd Schwester / Kinder vnd Erben/ vnd Mits erben Christi erwelet vnd angenommen werden/ durch seinen Werkzeug die Sacramentschen der hat getrieben vnd gedrungen/ also zu schme hen vnd lestern mit so grewlichen Worten / wie denn öffentlich also vnverschampt/ fur Gott/ al len Engeln vnd vernünfftigen Creaturen bes funden vnd geschehen.

Kompt auch noch heutiges tages vrsprünglich vom Teuffel her/ das meiniglich sich ente setzen/ schewen vnd fürchten / diese Dimelische speise zebrauchen/ welche doch die seelen erquis tet/ sterckt/ Mehret vnd erhelt den glauben. Wir solten billich allezumal aus Gottes wort/ so vnterrichtet sein (wil der grossen not vnd fahr geschweigen/ damit wir alle augenblick vmbz geben

geben sind) Das wir von vns selbs vngewonn
gen / mit grosser freude / lust vnd begirde dieser
himlischen Speise / begerten. Aber was solich
sagen / Man findet jr viel / die sich nicht lassen
benügen an den klaren offentlichen Worten vn
sers Hohenpriesters Ihesu Christi / damit er
dis hochwürdig Sacrament eingesetzt hat /
Sondern wollen die sach allererst in ein bedens
cken nemen. Wollen eins Concilij vom Papst
zu Rom / aus seiner Sodoma vnd Gomorra /
erwarten. Was denn wird beschlossen / Ob
vnter einerley oder zweierley Gestalt / das Sa
crament zu nemen sey / wollen sie sich darnach
wissen zu halten.

Diese Leute glauben weder Gott dem Va
ter noch Christo Gottes Son. Gott dem Va
ter glauben sie nicht / der vom Himel er ab am
Jordan ruffet / vnd spricht / Dis ist mein lie
ber Son / an dem ich ein wolgefallen habe /
DAN solt jr hören. Christo glauben sie nicht /
der die zwo gestalt eingesetzt hat / wie seine wort
klar anzeigen. Darumb sind sie von dieser Sec
ten vnd Kotterey (wie ichs weiland in der Kron
zu Behem / viel jar lang nach einander habe per
sonlich / nicht mit geringem schaden vnd fahr
meines leibs vnd der Seelen müssen sehen vnd
erfahren) Welche dem Papst mit seinem vers
bot folgten / nicht brauchen wolten beiderley
gestalt / Meideten vnd verfolgeten die andern /
D ij so sich

so sich nach der ordnung vnd einsetzung Chris-
ti hielten. Darüber ein gros schisma vnd spal-
tung erregt ward/bald nach dem Concilio zu
Costnitz/ welches noch hents tags wehret dur-
chs gantz Behemerland. Das wolt der Papst
zur selben zeit mit gewalt vnd mit dem schwere
dempffen vnd darnider legen / Erreget (damit
sein anschlage ein fort gang hette) den löblich-
en Keiser Sigmund seliger / den er auch im Con-
cilio zu Costnitz durch seine Teuffelische Syna-
goga / dahin vermöchte / das er wider Gott ehr
vnd recht / auch wider sein eigen Keiserlich star-
cke Beleit / den Gottfürchtigen heiligen Man
Gottes / Johan Dus lieffe verbrennen. Au-
der liebe Keiser ward vberteubet von den Blat-
ten hengsten / Cardinelen / Bischouen vnd vers-
dampten Herrn / die im fur plauderten / der Kei-
ser hette nicht macht vnd gewalt einen Ketzer
zugeleiten / Er were auch nicht schuldig / im sein
Beleite / so feste vnd starck dasselbige sein möch-
te / zu halten.

Ja der Widerchrist / der Teuffelische Wolff
zu Rom der Papst / erbeitet die sache endlich
dahin / das er den fromen Keiser Sigmund ein-
nam / vnd darnach durch in zu wegen bracht /
das alle Deudschen Fürsten vnd Herrn von
den Behemen abfielen / vnd sie mit Deerskrafft
an allen Orten vberzogen vnd angriffen. Es
waren auch von des Papsts teil / Cardinel vnd
Bischoue /

Bischove die das Kriegsvolck mit Creutzen kles-
ssen bezeichnen/Verhiessen grosse gnade vnd Ab-
las/den Himel dazu/wo sie in diesem Christli-
chen streit würden danidder liegen vnd bleiben.

Was geschach aber? Das geschach/da-
fur billich vnser Todfeinde / der Wolffe der
Papist zu Rom mit alle seinem giftigen vnd ge-
schmirten Dauffen erschrecken solt / vnd be-
wegt werden / das er von seinem mörderischen
vnd Teufflischen furnemen abstünde (Denn er
samt seinem Schürlingen/nichts anders ges-
denckt/denn blut zuvergiesen) vnd ein schewe/
furcht vnd entsetzung fur Gottes zorn hette/
der im vnd seiner Synagoga neher ist / denn sie
es gleben. Das geschach aber (sage ich) Wie
beide Papst vnd Keiser / eins solchen Weer-
zugs / wider die fromen Christen in Behem/die
so trewlich ob dem Euangelio vnd offentlichen
worten Christi die zeit hielten/fuge vnd recht ge-
habt haben/wider Gott vnd recht/sein aller hei-
ligst wort zu dempffen/vnd/wie sie vermeinten/
gantz vnd gar auszutilgen/ Also hat inen Gott
auch glück/heil vnd beistand.darzu gegeben.

Es wird der gleichen in keiner Chronica nie-
cht befunden/das Deudschland hette je solche
vnehre eingelegt / vnd so schmezlich fur allen
Nation zu schimpff/hon vnd spot gesetzt wor-
den. Denn eigentlich war ist/solch verzagt

D iij hertz/

Hertz / hat Gott dieser vnser Deutschen Nation
on / die zeit gegeben / das in solchem Anzuge /
wider die Behem / die vnsern / ehe denn sie in
jener Land komen sind / allein von der Behem
Rüstung vnd Segenwehr gehört / nicht haben
wissen zu bleiben / Vnd also on alle Schwerts
schlacht / die Flucht geben.

Vnd ist vber die vnsern / eben der Fluch ko
men / den Gott im funfften buch Mose vber sei
ne vngehorsame vnd widerwertige drowet.
Auch worden die gefangene Kriegsleut aus
den vnsern / mit wülenen Creutzen auff den Er
melen verzeichent / gezwungen / das sie die selb
igen Creutz fur den Behemen / fressen mussten.
Vnd werete solch Schisma oder spaltung jar
vnd tag / war niemand leibs / seelen / ehre vnd
guts / fur Freunden vnd Feinden sicher.

Bis so lang das sich auffwirfft (wider
des Papssts gefindlin / Cardinel / Bischoue vnd
den gantzen geschmirten Dauffen) ein freidiz
ger Keutersman / ein einspenniger Knecht / der
dem Papsst vnd gantzer Clerisey nicht günstig
war / Derhalben / das sie zu nichte / denn zu fres
ssen / sauffen vnd müffiggang geschickt waren /
in aller vnzucht vnuerschampt lebten / vnd die
allerköstlichsten vnd besten Güter innen hats
ten / Gottslesterischer weise zu verzeren. Den
selbigen einspennigen / freidigen Keutersman
zunameten die Behemen selbst vnd / hiessen in
Zyssa

Ziska (ist auff vnser sprach) so viel genant/als ein Lünegiger/ Der war auch weiland in einer Fehde / von den von Brücks (ist die stad / dar in ich auch vier jar gepredigt) verstrickt vnd gefangen / auch los worden / Doch mit dem gesding / das er / der Ziska / sein lebenslang nichts thetlichs solt wider die von Brücks / inen vnd den iren zu nachteil farnemen / Welchs er auch wol vnd erbarlich hat bis in seine gruben gehalten.

Aber dem Papistischen Dauffen / ist er nichts anders / denn Donner / Blitz vnd Hellisch feuer gewesen / Vnd war sein Sprichwort / Wo man die Nester nicht zustört / so komet vber eine kleine zeit / die aus geiagten vnnützen Vogel / alle herwider geflogen / Vnd hub an / die köstlichen Gebewe / von Keiser Vnd Königen / mit grosser vnkost erbawet vnd auffgericht / vmb zureissen / vnd in grund zu verheeren vnd verbrennen.

Mitler zeit ist viel vnkrauts in dem Edlen Königreich zu Behem erwachsen / Sind heimlich die Zickgardi / Grubenheimer / herfur gekrochen / vnd sonderlich / mit sich eine schedliche Kotten gebracht / genant / DIE EXPECTANTEN / Ist so viel gesagt / Sie wolten in der stillen sich halten / keiner Part / weder Christo noch dem Papst / nachfolgen. Sondern erwarten / bis so lang man der sachen hierinnen eins würde.
de. Das

de. Das sie gewis möchten wissen/welchem
teil/ Ob Christo dem D^{er}rn/der die warheit
selbs ist/ Oder aber dem schalckhafftigen Lüs
genmaul dem Bapst mit seinen gesalbten Blat
nern vnd Mettenhengsten zu folgen were? Vnd
ist solch heimlich süsse giffte/ vberaus angeneh
me/ schier in allen vmbliegenden Lendern vnd
Grentzen (auch vnter den gewaltigen vnd Po
tentaten) itzt fast leufftig vnd gemein worden.

Nichts deste weniger haben sich solchs
verzugs vnd langer gaffung vnd harrens auff
den Bapst vnd seine Cardinel/ durch ein Gene
ral Concilium/ Darin zu schliessen vnd entschei
den zu warten/ etliche Christglenbige Mensch
en (das nicht fein ist/ selbs wissen zu erinnern)
Vnd ist alhie zu Eisleben/ das ich etliche nama
hafftige anzeige ein Erbarer vorsichtiger Man
gewest / Fabian Franck seliger/ einer aus den
Ketthen/ auch der Stad die zeit Richter / Wela
cher jar vnd tag den verfürlichen/ Teuffelisch
en Winckelmessen nachgekrochen / Das Sac
rament mit andern Deuchlern vnter einerley
gestalt/ wie der Bapst wil/ empfangen/on vn
terlas auff ein Concilium gehoffet. Dem Gott
sein hertz vnd gemüet angerürt vnd eröffenet/
Also das er zu der selbigen zeit nach seinem Bei
chtuater geschickt / mit namen Er Friderich
Krauber / Pfarher zu S. Peter/ vnd gesprochen
also.

Christlicher bruder vnd vater/ Ich befinde
de das

Fabian Franck

de/das wir arme Dendſchen ſonderlich vom
Papſt vnd ſeinem Doffgeſinde groblich vera
acht/mit der naſen vmbgezogen/vnd eines freſ
en Chriſtlichen Concilij halben vertröſt ſind
worden / Darauſſ die Gottſeligen gehofft /
auch alle Chriſtglenbige hertzlich darumb ge
beten haben. Befinde auch eben das die jeni
gen/die es billich ſolten fordern/das ſie ſich da
für ſcherwen/entſetzen vnd nach alle irem vera
mögen/je gerne wolten verhindern(haben gro
ſſe ſorge/ſie möchten auch reformirt /vnd mü
ſten vber iren danck vnd willen auch ein mal
from werden) Vnd ſolt wol mit der weiſe/nis
mermehr kein Concilium gehalten werden.
Ich wils nicht lenger wagen/Was bedürffen
wir hierinen eins Concilium/das ſterbliche vnd
ſündliche Menſchen ſollen ſchlieſſen/vnd jr be
dencken anzeigen/So doch ſolchs Gott ſelbs
hat ein mal beſchloſſen/vnd vns an ſeinen ge
liebten Son Chriſtum geweiset/mit dieſem be
felh/DEN/Den/vnd keinen andern ſolt jr hö
ren.

Auff das ich in die zeit vnd ſtunde der Gna
de nicht verſchlaffe/wil ich lieber dem heiligen
Propheten Jefaia folgen / der alſo ſpricht /
Suchet den DEXXII die weil er zu finden iſt/
Kufft in an/ dieweil er nahe iſt.

Vnd haben dieſem Stadrichter Fabian
Francck vielder vnſern (Gott lob) zu Eisleben
nachgefolget/Dieweil vberaus fehrlich vnd be
ſchwerlich

schwerlich einem Christen ist/ der sich bis an
sein ende leset einen solchen Expectanten antre-
ffen vnd finden.

N.
Vnd wollen hie mit zum beschlus aus den
schrifften D. Lutheri des hochgelarten ein-
warhafftig geschicht vnd Gottes gericht anzei-
gen. Denn im jare vnseres Heilands/ nach sei-
ner Göttlichen menschwerdung M. D. xxx.
schreibt er/ Wie das geschehen sey vnlangst zu
Thorgaw (vnd das ich seiner wort brauch)
da man des noch kan beide Pfarher vnd Cap-
plan zu zeugen haben. Da ist auch ein solchs
er Man gewesen des namen ich nicht wil nenn-
en/ der in sechs oder sieben jaren/ nicht zum
Sacrament gangen ist/ vnter dem schandes-
ckel Christlicher freiheit/ vnd solchs auff gescho-
ben vnd gesparet/ bis in seine krankheit vber-
fallen/ vnd in der selbigen noch verzogen/ bis
das letzte stundlin kam. Als er aber nu seines
lebens wenig begunte zu füllen/ fordert er den
Caplan / vnd bat vmb das Sacrament. Da
der Capplan das bringt/ vnd jm in den mund
reichet/ feret die Seele ans/ vnd leset das Sac-
rament auff der zungen in offenem maul/ das
es der Caplan must wider zu sich nemen.

Lieber/ las dir das ein Exempel sein/ das
du nicht so frech vnd rohe dahin lebest/ Ob du
wol nicht zum Sacrament bist gezwungen.
Kanstu Gott verachten in seinem Sacrament?
Er kan

Er kan dich wider verachten in deinen nöten.
Wie er selbst spricht / Prouerb. 1. Ir habt allen
meinen guten Rat verachtet / So wil ich auch
erwider spotten in ewrem verderben ꝛc.

Vnd ist auch eben recht / das der / so ein
Christ sein wil / vnd solchen namen mit schan-
den tregt oder füret / vnd das Sacrament nicht
wil brauchen / wenn er wol kan / das ers auch ni-
cht erlangen könne / wenn ers gerne haben wil.
Nicht darumb das ich darmit wolle jemand
zum Sacrament nötigen oder zwingen / Noch
gebot oder zeit setzen / wie der Papsst gethan
hat / Denn Gott wil keinen gezwungen Diener
haben / Viel weniger wil er jemand on seinen
danck etwas geben. Sondern ich wolt gerne
damit vermanen / das sich ein iglicher selbst
zwünge / vnd aus eigener andacht sich selbst nö-
tigt / Solchen lieben edlen Schatz der Seelen
zu holen vnd nicht verseumen. Vnd darneben
anzeigen / wie Gott des ein gros misfallen ha-
be / das man seine angebotene gnade vnd güte
so schendlich verachtet / Obs wolt helffen / das
die Leute on zwang vnd Besetze lerneten Got-
tes gnade zu suchen vnd empfangen.

Ad propositum. Nu haben wir auff heut
eben einen solchen Expectanten auch gehabt /
des Cörper itzt gegenwertig auff diesem Gotts-
acker furhanden / wird auch begert mit einem

¶ ij gewöns

gewöhnlichen Sermon zuthun / mit vnterricht
von künfftiger aller gemeiner Gliedmas Christ
licher aufferstehung von den Todten / den vmb
stehenden hie gegenwertig zu trost vnd ster
ckung irs glaubens vnd hoffnung. Welchs
doch nicht als bald erlangt vnd zugesagt.

Bis so lang glaubwürdiger vnd bestendiger
bericht von des verstorbenen Freundschaft /
auffgelegt vnd furgetragen / Das der Verstor
ben mit Christlichen zeichen vnd geberden / of
fentlich angesagt / Er wolle anders nicht / denn
wie ein recht Christglaubiger Mensch von dies
sem Jamertal abscheiden / Vnd glauben / alle
die Artickel in gemeine vnd in sonderheit / die
ein Christen Mensch schuldig ist zu glauben.

Als denn auch höchlich seines Beichtua
ters begeret / den er doch zur selbigen stunde / ni
cht hat mögen bekommen / Welcher jm doch zus
uor vnd nach / solcher begird vnd anzeigung /
rechenschafft seines glaubens / hat viel mals ge
geben. Vnd ist darauff gute hoffnung / das
bey Gott vnd den Menschen / solcher guter Wil
le / sey fur die That gerechent. Ist also Christlia
chem Brauch nach / der Körper / seiner Gross
mutter der Erden (die vnser aller gemeine Ber
g ist) befolhen / vnd Christlich bestetigt wor
den.

Es ist aber nichts deste weniger desselbigen
tags auff

tags auff dem Gottsacker / vor etlichen tausent
Menschen ausgeruffen / pronuncirt / gewar-
net / auch des nachfolgenden Sontags in der
Pfarckirchen. S. Andreas zum vberflus wider-
holet / Vnd durch mich Caspar Güttel Doctor
vnd Ecclesiasten des selben Orts verkündigt /
Das sich forder niemand / Er sey Reich oder
Arm / Man oder Weib / Jung oder Alt / vnz-
ter solchen harrenden oder Expectanten / wolle
lassen ergreifen oder befinden. Angesehen /
die weil man so viel jare vnd lange zeit / hat ge-
dult getragen / mit den Schwachen / auch mit
den Alten / die im verfürlichen irthumb der Pa-
pistischen lügen vnd heucheley / sind jr lebens-
lang fast ersoffen / Doch mitler zeit genugsam
bericht / nu fast in die xxv. jar / in dieser Graff-
schafft / vnd allenthalben / aus Göttlichem
wort empfangen. Also das nicht glenblich
oder mäglich sein mus / Wer da gewolt / die of-
fentlichen warheit von vnserm Dohenpriester
Christo selbst (des wort wir ja itzt lauter vnd
rein haben / durch welches er mit vns redet /
vns leret / erleuchtet / tröstet &c.) mügen lernen /
hören vnd begreifen / Das dem selbigen nicht
gnug geschehen oder nicht gnug nach gehar-
ret were &c.

Wer nu darüber noch lenger zweineln wil /
vnserm Dohenpriester Christo nicht glauben
geben / Sondern auff den Papst vnd Generall
E in **C**oncilium

Concilium harren vnd warten/also ein ewigen
EXPECTANT ersterben / Den oder Die/
sollen noch wollen wir für kein Christlich Glieb-
mas / Vater oder Mutter / Bruder oder Schwe-
ster achten / Sondern für einen Gottes Lesterer
vnd Lügenstraffer / vnd im hinfort nimmermehr
mit Göttlichem wort vnd Christlicher Begreb-
nis / wie itzt geschehen / dienen.

Darnach sich wisse meniglich zu richten/
Die weil Gott der Heilige Geist / hat ein mal/
durch seinen Propheten Jesaiam geredt vnd
lassen schreiben. Suchet den **HEILIGEN** die
weil er zu finden ist / Rufft in an / die weil er na-
he ist.

Der selbige Gott aller gnaden vnd barm-
hertzigkeit / verleihe vns den selbigen seinen heis-
ligen Geist / der vns semplich vnd in sonderheit
erwecke vnd vermane / mit ernst zu suchen / sei-
ne Ehre / vnd von gantzem hertzen zu dancken /
für alle seine vnzeliche vnaussprechliche gute
vnd gaben / Durch Ihesum Christum vnsern
HEILIGEN vnd Heiland. Welchem sampt
dem Vater vnd dem heiligen Geist
sey lob vnd danck / Ehre vnd
preis von ewigkeit zu ewig-
keit / **AMEN.**

Gedruckt zu Witten
berg durch Nickel
Schirlentz.

D. D. XLI.

Geometriae
liber primus
Scripturae.

LIX. ca. d.



155514


ULB Halle 3
004 053 656




AB: 155514

14.







Ein Sermon
D. Caspar Büttel/
Auff dem Gottsacker
zu Eisleuben
gethan.
Mit einer Vorrede D.
Mart. Luth.
Wittenberg
M D XLI.



3

